

ODLUKA

**O PRIHVATANJU DODATNOG ZADUŽENJA PO OSNOVU UGOVORA BROJ 1 O
AMANDMANU NA UGOVOR O ZAJMU OD 12. APRILA 2022. GODINE IZMEĐU
BOSNE I HERCEGOVINE I EVROPSKE BANKE ZA OBNOVU I RAZVOJ
ZA REALIZACIJU PROJEKTA
„JAVNI PRIJEVOZ SARAJEVO – E MOBILITY“**

Na osnovu člana 40. stav 5. Zakona o dugu, zaduživanju i garancijama u Federaciji Bosne i Hercegovine („Službene novine Federacije BiH“, br. 86/07, 24/09, 44/10 i 30/16) Predstavnički dom Parlamenta Federacije Bosne i Hercegovine na sjednici održanoj 22. i 23. 10. 2024. godine i Dom naroda Parlamenta Federacije Bosne i Hercegovine na sjednici održanoj 31. 10.2024. godine donijeli su

ODLUKU

O PRIHVATANJU DODATNOG ZADUŽENJA PO OSNOVI UGOVORA BROJ 1 O AMANDMANU NA UGOVOR O ZAJMU OD 12. APRILA 2022. GODINE IZMEĐU BOSNE I HERCEGOVINE I EVROPSKE BANKE ZA OBNOVU I RAZVOJ ZA REALIZACIJU PROJEKTA „JAVNI PRIJEVOZ SARAJEVO – E MOBILITY“

I

Prihvata se dodatno zaduženje Federacije Bosne i Hercegovine (u daljnjem tekstu Federacija) po osnovu Ugovora broj 1 o Amandmanu na Ugovor o zajmu od 12. aprila 2022. godine (u daljnjem tekstu: Ugovor o amandmanu) između Bosne i Hercegovine (u daljnjem tekstu: Zajmoprimac) i Evropske banke za obnovu i razvoj (u daljnjem tekstu: EBRD), u iznosu do 5.000.000 eura, za realizaciju Projekta “Javni prijevoz Sarajevo – E mobility“ (u daljnjem tekstu: Projekat).

II

Sredstva Ugovora o amandmanu iz tačke I. ove Odluke koristit će se za nabavku savremenog sistema za upravljanje i nadzor nad saobraćajem koji uključuje komponente inteligentnog sistema upravljanja s prioritetima javnog prijevoza, videonadzornog sistema i videodetekcije incidenata zasnovane na najnovijim tehnologijama.

III

Sredstva Ugovora o amandmanu iz tačke I. ove Odluke odobravaju se Federaciji pod sljedećim uslovima:

- rok otplate 15 godina
- grace-period 3 godine (uključen u rok otplate)
- kamatna stopa:šestomjesečni EURIBOR + 1% marža na godišnjem nivou
- jednokratna provizija:1% na iznos glavnice zajma
- visina provizije na neiskorištena sredstva..... 0,5% godišnje
- dospjeća: polugodišnje, u jednakim otplatama glavnice
- datum plaćanja glavnice i kamata:20. februara i 20. avgusta svake godine.

IV

Potvrđuje se da je razmatrana dokumentacija prihvatljiva za Federaciju, a posebno:

- Nacrt Ugovora o amandmanu između EBRD-a i Zajmoprimca,
- Zapisnik s pregovora.

V

Dodatna sredstva zajma iz tačke I. ove Odluke Federacija će prenijeti na osnovu zajma na Kanton Sarajevo, koje je krajnji korisnik i dužnik po ovom zaduženju.

U periodu implementacije projekta u budžetu Federacije nije potrebno osigurati finansijska sredstva za dodatno sufinansiranje projekta.

VI

Zadužuje se Federalno ministarstvo finansija da s Kantom Sarajevo usaglasi i sklopi odgovarajući amandman na podugovor o zajmu kojim će, u svrhu redovne otplate, definisati uslove vraćanja sredstava koja se prenose na kreditnom osnovu.

VII

Daje se saglasnost za zaključivanje amandmana na Supsidijarni sporazum između Zajmoprimca i Federacije i Amandmana na podugovor o zajmu između Federacije i Kantona Sarajevo za sredstava iz tačke I. ove Odluke.

Za potpisivanje Amandmana na Supsidijarni sporazum i Amandmana na podugovor o zajmu, ovlašćuje se federalni ministar finansija.

VIII

Za realizaciju ove Odluke i izvještavanje zadužuju se Federalno ministarstvo finansija, Kanton Sarajevo i Ministarstvo saobraćaja Kantona Sarajevo, svako u okviru svoje nadležnosti.

IX

Implementacija Sporazuma iz tačke I. ove Odluke ne zahtijeva donošenje novih ili izmjenu postojećih zakona.

X

Ova Odluka stupa na snagu sljedećeg dana od dana objavljivanja u „Službenim novinama Federacije BiH“.

PF BiH, broj: 01,02-11-1895/24

Sarajevo, 31. 10. 2024. godine

**PREDSJEDAVALJUĆI
DOMA NARODA
PARLAMENTA FEDERACIJE BiH**

Tomislav Martinović

**PREDSJEDAVALJUĆI
PREDSTAVNIČKOG DOMA
PARLAMENTA FEDERACIJE BiH**

Dragan Mioković